

# INUIT ATAQATIGIIT

## INATSISARTUNI



Nuuk, 29.11. 2011

Inatsisartut Suleriaasianni § 37 naapertorlugu Naalackersuisunut apeqqutit imaattut matu-muuna saqqummiuppakka:

### Apeqqutit:

1. Nunatsinni ADHD-mik eqqugaasimasut napparsimaveqarfimmi nalilernerqaraangamik nappaateqartutut imaluunniit innarluuteqartutut nalilernerqartarpat?
  2. Nunatsinni inuusuttut qassit ADHD-mik eqqugaasimanersut ilisimaneqarpa aammalu misissuiffigineqarsinnaanerit Naalackersuisunit qanoq eqqarsaatersuuteqarfigineqarpa?
  3. ADHD pillugu Nunatsinni periusissiamik suliaqartoqarnissaa siunertaralugu Naalackersuisut suliniuteqarnissamik pilersaaruteqarpat?
  4. 1994-mi WHO-p nappaatit pillugit immikkoortitereriaasiat (International Classification of diseases, ICD-10) Qallunaat nunaanni atuutilerpoq. Taanna Nunatsinni ADHD-mut tunngatillugu atuuppa?
  5. ADHD-mut atatillugu nakorsaatit Nunatsinni qanoq annertutigisumik atornerqarpat?
- (Inatsisartuni ilaasortaq Olga P. Berthelsen , Inuit Ataqatigiit)

### Tunngavilersuut:

Ukiakkut 2011-mi Inatsisartut ataatsimiinngilaataa, § 37 (§ 37-173/2011) aqutigalugu, Naalackersuisunut apeqqutigaarput Nunatsinni, meeqqat ADHD-mik Autistimillu nappaateqartut DIH-mit sullinneqarnerat qanoq ingerlanersoq, aammalu malinnaaffigineqarnerat qanoq aqqissuussaansoq.

Naalackersuisut akissuteqarnerminni oqaatigaat, Nunatsinni meeqqat ADHD-mik nappaatillit paasineqartartut amerliartuinnartut. Tamatumap kinguneraa peqqinnissaqarfimmit sullinneqarnissamik pisariaqartitsisut annertusiartornerat. Maannangaaq ADHD-eertut amerligaluttuinnarnerat ilisimalereerlugu pisariaqarlunnarpoq naalackersuinikkut suliniuteqarnissaq. Ilisimavarpummi meqqat taakkua siunissami inersimasunngortussaasut.

Meeraq ADHD-mik nappaatilik, siunissaq eqqarsaatigalugu ingerlalluassappat, suleqatigiinnissaq tapersersoqatigiinnissarlu pisariaqarlunnarput. Angajoqqaat, perorsaasut, ilinniar-titsisut kommuuninilu isumaginnittoqarfiit, suleqatigiinnissami tassani qitiullunnarput. Nunatsinni meeqqat ADHD-mik nappaateqartut, iluatsittumik sullinneqarsinnaassappata pisariaqarlunnarpoq, Nunatsinni kommuunini tamani aqqissuussaasumik sullissisinnaanissaq.

Oqareernittuut Nunatsinni ADHD-mik nappaateqartut amerligaluttuinnartut paasineqartar-lerput. Taassumap annertuumik unammisassaqaalersippaatigut. Ilisimaneqarpoq meeqqat ADHD-mik nappaatillit, meeraanerminnit iluamik sullinneqarsimanngikkunik, inuusuttua-ranngornerminni aammalu inersimasunngornerminni, ulluinnarni inuuniarnikkut ajornartor-siutinik assigiinngitsunik, inuunerannut sunniuteqartunik ajornartorsiuteqalersinnaasartut.

Meeqqat ADHD-eertut siunissaq ungasinnerusoq eqqarsaatigalugu, inuiaqatigiinni pitsaasu-mik naleqartumillu inooqataasinnaassappata, meeqqat taakkualu angajoqqaavisa sullinne-qarnissaat pisariaqarlunilu pingaaruteqarpoq. Taamaattumik ullumikkornit suli annertune-rusumik, susassaqartunut tamanut iluaqusiinnaasumik pilersitsisariaqarpugut.

Nakorsaatit kisiisa atornagit, meeqqalli avatangiisimini qanoq peqataasinnaanerit tunnga-sut, atuarfinni ADHD-eernut sullissisut pikkorissartuarneqarnerisigut, angajoqqaat ADHD pillugu annertuumik ilisimasaqarlersinnerisigut, siunissami meeqqat inuunermik naleqar-

luartumik tunisinnaagigut qularutiginnilarput. Taamaattumik taakkununga immikkut periusissortoqarnissaa angusariaqarparput.